



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno DLXXVII. ad annum DXC.

Parisiis, 1644

Epistola LXXXI. Gregorii Papae I. Ad Ianvarium Archiepiscopum
Calaritanum. De superbia Liberati diaconi comprimenda.

urn:nbn:de:hbz:466:1-15221

SCRIPTA fraternitatis vestræ suscipiens, gratias omnipotenti Deo retuli, qui desiderabili me sospitatis eius nuntio releuauit. Quod autem perhibetis ab exactiōe patrimonii Siciliae prouinciæ sanctæ, cui Deo præsidetis auctore, ecclesiæ certam redhiberi pecuniæ quantitatem, pro eo quod ab actoribus sanctæ Romanæ ecclesiæ illo in tempore patrimonii ecclesiæ vestræ celebrabatur exactio; necessarium fuit iuxta tenorem scriptorum a vobis directorum, acceptarum illatarumque pecuniarum summam inspicere, & totius ratiocinii meritum subtiliter indagare, quibus perspectis nihil a sancta Romana ecclesia ecclesiæ vestræ allegatum est redhiberi. Sed quia dum Constantius diaconus vester ad ea quæ obiecta a nostris fuerant aliud allegauit, examen negotii venit in dubium, quod subtilius poterat ventilari, si qua persona existeret, cum qua definiri aliquid stabiliter potuisset. Proinde necesse est sanctitas vestra hac de re personam instituat, cum qua Romana ecclesia aliquid debeat solide definire, ut siue nihil debet, ex iudicio pateat; seu aliquid debet, restituat: & personam quam instituitis, securitatem solenniter emittat.

SCRIPTIIS tuis cor nostrum lætificasse dignosceris, quod te mandatorum nostrorum memorem fuisse testatus es. Et quia memoriter retinemus ea quæ nos fraternitati tuæ mandasse commemoras, quemadmodum disponendum sit, ubi voluntatis nostræ expectatur auctoritas, scri-

ptis præsentibus breuiter respondemus. Liberatus igitur de quo nobis tua fraternitas indicauit, qui diaconii fungi perhibetur officio, si a decessore tuo non factus est cardinalis, ordinatis a te diaconibus nulla debet ratione præponi; ne eos, quos consecrando probasse cognosceris, reprobare supponendo quodam modo videaris. Prædictum itaque Liberatum, quem reprimendus ambitionis inflat spiritus, omni instantia ab intentus sui prauitate compesce, & vltimum inter diaconos stare constitue, ne dum se illicite præferri contendit immeritus, loco in quo nunc situs est, iudicetur. Cuius tamen si obedientia fueris inuitatus, & eum post hæc cardinalem facere volueris, nisi pontificis sui concessionem solenni more meruerit, abstinendum ab omni eius incardinatione memineris: quoniam æquitati conuenire non ambigis, vt aliis seruare non differas quod ipse quoque tibi seruari desideras.

EPISTOLA LXXXII.

GREGORII PAPÆ I.

AD HILARIUM MONACHUM AFRICÆ.

Quod de episcopi facinore perquiratur.

Gregorius Hilario monacho Africæ.

FELICISSIMVS atque Vincentius diacones ecclesiæ Lami-
genfis, oblata petitione quæ tenetur in subditis, sugges-
serunt ab Argentio eiusdem ciuitatis episcopo grauē se in-
iustitiam pertulisse, & accepto præmio Donatistas in eccle-
siis fuisse præpositos, eumque inter alia non leue aliud faci-
nus, quod dici nefas est, commisisse cōmemorant. Propter-
ea experientiæ tuæ præsentī pagina præcepti duximus in-
iungendū, quatenus præfatum episcopum idoneæ satisfac-
tioni committere non omittas, tuaque instantia in locis
illis fiat ex more Concilium, & omnia secundū oblata pe-
titionis textum canonice corā positīs partibus subtili inda-
gatione perquirantur. Et quacumque eorū iudicio fuerint
terminata te exequente modis omnibus compleantur. Ita
ergo cum omni te viuacitate huic causæ volumus præbere
instantiā, vt ad examinanda quæ iussimus nulla possit sub-
necti dilatio, sciturus non in leuem te offensam incurrere,
si nostra quacūque excusatione lentata fuerit præceptio.